

B. C. D.  
DISSERTATIO PHILOSOPHICA,  
DE  
**UTILITATE**  
ET  
**NECESSITATE**  
**METAPHYSICÆ,**

CUJUS  
PARTEM PRIOREM,

*Divina adspirante gratia*

ET

*Consentiente Ampliff. Facult. Philosoph.*  
*in Reg. Acad. Aboënsi,*

Sub PRÆSIDIO

*MAXIME REVER. atque AMPLISSMI VIRI,*

**DN. MAG. CAROLI**  
**MESTERTON,**

*Log. & Metaph. PROFESS. Reg. & Ord.*  
*Publico bonorum examini submittit*

**SVEN M. ALGEER,**

*SMOLANDUS.*

*In Audit. Acad. Majori S. D. V. Die XXVIII. Mart. MDCCLII.*

*Horis ante meridiem solutis.*

---

ABOÆ, impressit DIRECT. & Typogr. Reg. Magn. Duc.  
Finland. JACOB. MERCKELL.

*VIRO Admodum Reverendo atque Praclarissimo,*  
**Dn. Mag. ANDREÆ ROGBERG,**  
Ecclesiae, quae in Åsheda colligitur PASTORI Vigilantissimo,  
Sincero animi adfectu jugiter Venerando.

*VIRO Plurimum Reverendo atque Praclarissimo,*  
**Dn. Mag. JOHANNI ROGBERG,**  
Regii Gymnasilii, quod Wexioniae floret ADJUNCTO Dexterrimo, ut olim PRÆCEPTORI Fidelissimo;  
Ita nunc PROMOTORI Benignissimo,  
Quovis observantiae cultu suspiciendo.

*Plurimum Reverendo & Doctissimo VIRO,*  
**Dn. CAROLO AGERTHIN,**  
COMMINISTRO in Åsheda, Meritissimo,  
FAUTORI & BENEFACTORI singulari,  
Multis nominibus semper venerando.

**O**Mnes ferme scientias a quibusdam gentibus nullo non tempore dispari modo excultas & magni estimatas; contra vero ab aliis quasi extinctas, vel saltem depravatas & despectui habitas esse, nemo, qui, vel a limine disciplinas salutaverit, dubitat: id quod etiam de Scientia Metaphysica, quae usque a tempore Aristotelis sinistris obnoxia fuit iudicis, nec adhuc a calumniis omnino libera esse videtur. Quapropter mihi forsitan audacia verti posset, qui tam mutis verbis conari ausus

sim, aliquid de Necesitate Metaphysices, ejusque Utilitate, quam omnibus reliquis illa adfert scientis, ostendere. Hoc in causa fuit, cur diu dubius hesi an tale meum conamen sine opprobrio notum facere, & magis, an opusculum hoc levissime Nominibus Vestris adscribere auderem. Cum autem nonnulla tantummodo illorum beneficiorum, quae, sicut a teneris annis ad hunc usque diem in me collata sunt; ita & innumera perpenderem, animum meum faciebat audaculum benevolentia Vestra, quae in illo tam altas egit radices, ut eidem eradicande nullum par sit tempus. Optatus itaque mihi elucescit dies, quo occasio gratissimi & venerabundi erga Vos animi munusculo hocce publice declarandi, sese obtulit; quod tamen, ut palam fatear, ne vel unico praestitorum beneficiorum, neque voto meo respondet. Sed cum nullum majus & melius specimen gratiae mentis edere valeam, spero & humillimus oro, ut Vos, tanquam æquissimi Centores hoc serena fronte excipiat, meque in posterum benigno adfectu amplecti haud dedignemini, quo adstricta mea fortuna asylum quoddam inveniat. Pro perenni Vestra incolumitate vota ad Supremum Numen fundere calidissima nunquam intermittam. Summa animi veneratione ad cineres usque permanurus

Admodum atque Plurimum Reverendorum  
Nominum VESTRORUM,

cultor humillimus, observantissimus  
SVEN ALGÉER.

Dem Großachtbaren Kauffman,  
In der berühmten See, und Handels, Stadt zu  
**Herrn JACOB BREMER,**  
Seinem Hochgeschätzten Gönner.

**M**ich verpflichten viele Ursachen, Ew. Großachtbaren diesen  
meinen ersten Academischen Entwurff des **Nuzes** und  
der **Nothwändigkeit** / der *Metaphysique* in übrigen  
Wissenschaften zu zueignen; insonderheit erfordert solches, die Be-  
kaftung meiner schuldigkeit, die mit aufrichtigem Ausdruck meiner  
Estime, gegen Ew. Großachtbaren Person immer begleitet und  
verknüpffet ist. Nun weil sich viele Leute finden, deren einige  
so viel von der *Metaphysique* machen, daß sie darbey eine Bigote-  
rie zu begehen scheinen; andere wiederum so gestalter sind, daß sie  
auch das ganze *Metaphysische* Studium als dem Menschlichem Ge-  
schlechte sehr verderblich auszusprechen kein bedencken tragen; also  
da ich in jegiger Abhandlung dessen wahren Nutzen und desselben  
vernünftigen Gebrauch darzuthun mir vorgenommen habe; so hoffe  
zu gleicher Zeit Ew. Großachtbaren belieben dieses mein unternehmen  
gütigst zu billigen. Eine gründliche Erkantnis der Wissenschaften  
wird in der *Metaphysique* als in ihrem ersten Stofft eingehalten;  
und die allgemeine Begriffe der Dinge, die im gemeinem Leben oder  
sonsten nur unausführlich und undeutlich uns vorkommen, werden es  
benfals in derselben aus den richtigen Gründen am deutlichsten erklä-  
ret. Dieses ist die Bewandnis meines Vorhabens; ausser diesem aber  
sind Ew. Großachtbaren mir erzeigte große Güte und Wohlthaten  
die kräftigste Bewegungs-Gründe geworden, warum ich zu bezeich-  
nung meines danckbaren Gemüths habe Ew. Großachtbaren dieses  
Werk dediciren, und um fernerhin in Ew. Großachtbaren geneig-  
tes andencken empfohlen zu seyn, Ew. Großachtbaren und derselben  
lieben Anhörigen alles erspriessliches Leibes und Seelen Heil, samt  
prosperität erwünschen wollen. Verbleibe mit meiner Hochachtung  
Wohlverdienter Gönner,

Dero

ergebenster Diener,  
SVEN ALGÉR.



I. N. J.

§. I.

**N**Ullum omnino scientiarum genus est, cujus  
prima principia ex *philosophia* primæ fontibus  
non sunt petenda. Interim tamen, si aliqua  
*philosophiæ* pars laceretur, *Metaphysica* sane  
erit, a plerisque stultitia, Doctorumque umbratico-  
rum quisquilæ dicta. A *Metaphysica* commendari in-  
quit Ill. PUFFENDORFFIUS (a) valde pedanticam  
laudem esse, & cum eloquentiæ tam in ecclesia,  
quam republica maximus sit splendor, exquisitissi-  
mam *Metaphysica* scientiam nihil esse, nisi umbram  
& pulverem. Tenebrarum Reginam pessimam appel-  
lavit CHRISTIANUS THOMASIVS *Metaphysicam* (b).  
Atque id genus alii per plurimi *Metaphysico* Mastiges  
contra *Metaphysicam* quam argutissime declama-  
runt. Insignem laudem ingenii adquisivisse sibi per-  
sualum habebant, qui in jocum ludibriumque ver-  
tere eandem, licet per læpe inepte satis poterant.

A

Quid

(a) In comment. super invento veneris Lipsie pullo.

(b) In Ausübung der Logic.

Quid quaso, Metaphysica nostra abjectius, vilius inanius visum est multis non infemi subsellii viris, inquit Cel. GOITSCHEDIUS (c), adeo ut in proverbium abierit quisquillas Metaphysicas esse, quicquid ab usu vita remotum videretur, quicquid a sensibus quodam modo alienum, quicquid tandem abstractius paulo esset illo cognitionis genere quod vulgus eruditorum sequi solet. Umbraticas vero nugas tota agitare credita est scientia nostra, eaque propter dignam multis habita, quae, ex eruditionis circulo proscriberetur penitus, nunquam in academias nostras reducenda. Sed notum est, quod iudicium ex insufficiente causae cognitione profectum causae bonitatem atque iustitiam non tollat: ergo nec modo allegata iudicia Metaphysicæ obesse, vel infamiam conciliare possunt, utpote contra illam non satis auditam lata. Unde quando decreta illa ab adversariis nimis morose urgentur, potest Metaphysica pro tuenda innocentia sua a iudicibus male informatis ad iudices melius informandos provocare.

## §. II.

SI placeret in causas inquirere, propter quas, tam abjecte de Metaphysica iudicant, tantoque in illam odio feruntur permulti, intelligeremus, plurimos imprimis ex hac causa in hanc adduci sententiam

(c) In Oratione pro utilitate & necessitate Metaphysicæ in contemptores ejus p. 7.

tiam & ad hoc inflammari odium, quia præcepta Metaphysicorum non satis sibi cognita atque perspecta habent. Hoc assertum exemplo suo satis superque comprobat Polyhistor REIMMANNUS (d). Primum offendit Cel. Virum, quod Metaphysica docet, dari ens, quod sua latitudine ipsum Ens infinitum sub se comprehendit, item dari aliquid Deo prius & latius. Dari aliquid Deo latius sanæ rationi nec repugnat nec a veritate alienum est. Cur quæso intellectus noster conceptus Deo rebusque creatis communes fabricare nequit? universalis enim semper priora sunt potentiae nostræ cognoscitivæ singularibus. Prius intelligimus, quid *Sacramentum* sit, ac *Cœnam* & *Baptismum* tale vocamus. Prius datur aliquid Deo non temporis sed rationis nostræ prioritate. Mirandum sane genuinum horum terminorum, harumque locutionum sentum ita Polyhistori REIMMANNO ignorari, ut in illis principia ad atheismum ducentia invenire sibi pervadeat. Deinde, *was das leidige interesse thun könne, ist auch bekant, inquit Cel. SMETZEL (e). Mancher schilt und schändet auf diese und jene Wissenschaft, aus keiner anderen Ursache, als, dass diejenigen sehr nützlich und nöthig mögen gehalten werden, davon*

A 2

(d) Vide ejusdem Hist. lit. antediluvianam p. 61.

(e) Vide ejusdem Versuch zu einer Historie der Gelehrtheit p. 490.

er Profession machet. So lehret auch die Erfahrung, daß ihrer viele die existimtion dieser und jener Wissenschaft nach dem Brodkorb abzumessen pflegen, was denselben fein geschwind zu füllen scheint, muß nöthig und nützlich heissen. Was auch die præjudicia thun können, die uns von unsern Preceptoribus in Kopf gesetzt werden, ist auch bekant genug.

§. III.

**S**cholasticos Metaphysicam in barbararum vocum, atque ineptissimarum, de Ente, Deo & spiritibus quæstionularum & opinionum lexicon aliquod convertisse ambabus largimur. Quo pertinent innumera eademque satis luculenta istiusmodi ineptiarum specimina ex. gr. passionabilitates, bomonēitates, aptitudinabilitates, nuceitates, baccēitates, positionabilitudinalitates, hujusque generis monstra plurima. Hanc tamen ob rationem non cum rerum imperitiis purabimus Metaphysicam esse penitus repudiendam & eliminandam, ut potius in illa emendanda & a quisquiliis repurganda egregiam operam indefessoque labores præstare necesse habuerint eruditi incomparabiles Viri BACO DE VERULAMIO, LEIBNITIUS & WOLFFIUS, quorum placita, de Metaphylico argumento, hoc loco enarrare, temporis & paginæ angustia nobis non permittit.

§. IV.

**M**etaphysica dum prima principia ubivis ferme obvia suppeditat, dum multas regulas explicat, ac debitis limitationibus circumscribit, ne nimia ipsarum universalitate fallamur, dum varios terminos exponit, quorum usus apud scriptores est frequentissimus, dum genera causarum tradit, quarum notitia cuilibet erudito est maxime necessaria, facile patet, hujus disciplinæ usus per omnia scientiarum genera se longe lateque diffundere. *Usus Metaphysices*, inquit Cel. WALLERIUS (f), per omnes disciplinas philosophicas exinde quoque elucescit, quod sine illa in reliquis disciplinis nulla obtineatur certa & solida cognitio. Certitudinem vero & soliditatem in disciplinis esse quarendam nemo facile negabit, largiendum ergo simul est, maximè esse utilitatis, qua Metaphysica tradit præcepta reliquis philosophiæ partibus. *Intelligimus itaque Metaphysicam esse tanquam presidium, munimentum & fulcrum, cui ceteræ disciplina philosophicæ ruinam vitatura innuuntur. Hinc etiam veteribus vocata est, Judex, Domina, caput, Princeps reliquarum disciplinarum, non quod de nobilissimo & principe objecto Deo agat, sed quod principis instar dirigat ceteras disciplinas omnes, notiones universalissimas & principia communissima evolvens proponendo & stabilendo.*

§. V.

(f) In Syft. Met. p. p. 25. & 26.

## §. V.

**S**ed videor mihi audire vocem eorum, qui obvertunt ipsos Atheos non raro principia Metaphysica adhibere, & in hac potissimum scientia erroribus suis pestilentissimis præsidium quærere; quemadmodum HENRICUS CORNELIUS AGRIPPA disertè fateatur (g), multa Atheorum principia originem debere Metaphysicæ Scholasticæ. Ambabus concedimus, Atheos interdum abuti Metaphysica & tela, quæ in nos vibrent ex ejus pharetra petere, id quod Cel. FRANCISCUS BUDDEUS ingenue fateretur (h). Ut legitimum inquit Metaphysica usum admittimus; ita abusum eo diligentius evitandum merito cenlemus, quo is est subinde gravior. Ipsos nempe Atheos non alibi magis, quam in Metaphysica, invenire, quibus impia sua dogmata involvant, vel BENEDICTI DE SPINOZA exemplo constat. Hocce vero testimonio suo Cel. BUDDEUS luce meridiana clarius ostendit, non genuinum Metaphysicæ usum sed perversum ejus abusum Atheis arma suppeditare. Studium qui Metaphysicum ex hoc capite improbandum esse existiment, dici non potest, quantum eos fugit ratio.

## §. VI.

(g) In libro de veritate scientiarum cap. VIII.

(h) In Isagoge Historico Theol. p. 260.

## §. VI.

**M**etaphysicam Theologiæ præstare utilitatem proptius insignem, immo habitum Theologiæ pro hodierno ecclesiæ statu vix ac ne vix quidem sine Metaphysicæ adminiculo obtineri posse, magnus Theologus, Doctor FECHTIUS (g), confidenter adterit: *Implicat Theologum esse, inquit, & non esse Metaphysicum.* Inprimis vero Metaphysica cultoribus Theologiæ suam commendat utilitatem, quando inscriptis aliorum explicandis versentur, cumque adversariis cœlestem veritatem impugnantibus, in arenam conscendant. Qua, quæso, ratione intelligent libros, usum axiomaticum & terminorum Metaphysicorum frequentissime adhibentes, nisi notitia Metaphysicæ sunt imbuti? Quo pacto adversariis obviam ibunt, ex Metaphysica tela petentibus, si rerum Metaphysicarum sint ignari? Metaphysicæ utilitatem ac necessitatem ostendit III. Cancellarius PFAFFIUS in oratione II. Hexadis orationum Academicarum, ubi disertè fateatur, se adversus Bœlium, ex pharetra Metaphysica contra religionem nostram, tela depromentem pugnare non potuisse, nisi præceptis Metaphysicorum fuisset imbutus. Certe nolim, inquit III. PFAFFIUS l. c. p. 34. *Theologia studiosos Metaphysicam negligere. Opus est, opus est, hac sacra,*

(g) In noctibus Christianis, p. 81.

ut adjuverint, mysteria Metaphysica, ut degustaverint, linguam Theologorum, linguam adversariorum, cum quibus manus conferere debent, alias haud intellecturi.

§. VII.

**S**upervacaneum videri posset, si pluribus ageremus de utilitate, quam Metaphysica cultoribus Theologiae adfert, siquidem illa ipso facto, quotidiana experientia comprobato satis constat. Gratulamur nobis, si æquis rerum æstimatoribus dicta quomodo sufficiant. Iniquis vero censoribus nec plura sufficere auguramur.

